

Bericht.

An welchem Gott ihn verklären/
Vnd ewigre Freud wird gewähren.

Das alles hat Sie von ihrem HERRN Christo/der ist
ihre Auferstehung vnd ihr Leben/weil sie ihm mit
wahrem ungeferbten Glauben vnd herzlich beständiger
Liebe bis in den Todt vnd an ihren letzten Seuffzer ange-
hängen/wie solches aus ihrem Christlichen Lebens-Lauff
vnd seligen Beschluß/ so sie nach Gottes väterlichem
Willen an ihr zeitliches Leben gemacht/ zu sehen/ davon
nunmehr/ so wohl auch ihrer ehrlichen Ankunfft/ etwas
wird zu melden seyn.

Die nunmehr in GOTT ruhende Erbare vnd
Ehren-Viel-Zugendsame Fraw Anna Maria/ des
Ehrenvesten Achtbaren vnd Hochgelahrten Herrn
Doctor Johann Schilters/des Churfürstlichen Sächs.
Schöppen Stuhls allhier Assessor, vnd Ober- Hoffge-
richts Advocati, Ehliche Hausfraw/ ist gebohren in
Dresden am 5. Julii Anno 1603.

Ihre Eltern seyn beyderseits gewesen altes vnd
wohlbenambtes Geschlechts/ vnd zwar ihr Vater/
Johann Kenzel/ Beyder Rechten Doctor, weyland des
Churfürstlichen Sächsischen Ober- Hoffgerichts wohl-
verordneter Advocatus, vnd berühmter Practicus,
dessen familia vber 300. Jahr zu Hamburgk bis dato be-
standt vnd in auffnehmen gewesen.

Die Mutter/ Fraw Margaretha/ aus dem alten
Möstli.